

1-29
1-18
3363(1)

中國方志叢書·華中地方·第三六三號

據

民國劉子敬等修，賀維翰等纂
民國二十一年鉛印本


影印

四川省

萬源縣志

(一)

成文出版社有限公司印行



10106080

中國方志叢書·華中地方·第三六三號

據

民國劉子敬等修，賀維翰等纂
民國二十一年鉛印本

影印

四川省

萬源縣志

(二)

成文出版社有限公司印行



10106082

39205

中國方志叢書・華中地方・第三六三號

據

民國劉子敬等修，賀維翰等纂
民國二十一年鉛印本


影印

四川省

萬源縣志

(三)

成文出版社有限公司印行



中國方志叢書·華中地方·第三六三號

據

民國劉子敬等修，賀維翰等纂
民國二十一年鉛印本


影印

四川省

萬源縣志

(四)

成文出版社有限公司印行



10106084

中華民國六十五年

月臺一版

萬源縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

萬源縣志

民國廿一年
壬申冬大中
印務局代印

序

辛未夏五余適被萬源縣劉縣長子敬聘修縣志又經廖司令
雨辰函電交促乃於八月首途九月抵萬至則志局已開同事
諸友已分類認定從事編輯矣先是局長李君柱人龐君鸞雛
列舉三十事多派採訪又徵集新舊志數十種故得有所藉手
就中以光緒十九年知縣楊同士先生所撰太平縣志以後皆稱舊志
爲最切引用舍館定余乃循其途轍玩其義例參以近四十年
人事之變遷風俗之移易周諏旁稽斟酌損益是者仍之略者
補之渾涵者分析之不合者更張之討論究竟乃分門十分類
五十有九曰輿地曰食貨曰選舉此與舊志同者也曰營建舊
多屬輿地曰官政舊爲職官與武備曰教育舊爲學校曰史事
舊爲雜類此名不同而實同者也曰藝文舊志多錄外籍茲則

專錄本籍此名同而實不同者也曰民治專述法團及團務此則例以義起不但舊志無之而亦各縣志之所無者也更就類目言之如人物列女舊志統敘此則分人物爲義勇孝友才能義行學行文苑藝術隱逸駐寓仙釋凡十類分列女爲節烈節孝節婦孝婦孝女貞烈貞女賢母合耆壽男女並志凡九類忠義舊自爲類是矣又細分外籍本籍與在外殉難而三非好爲其難也蓋必如是而後羣分類合犖然有當於人心其他蓋難以更僕數體例既定諸友分途程功余不過總其成而已至實地測量精細繪圖則閩君柏序專門家之任也改正山脈疆域道里多借助之舊志者斯志之源起也三十四目皆有小序以見意今具列卷首不忘前勞並示由來斯志分類太多乃僅於十門各爲之序亦以見類列之非偶然若云釐正體裁發明義

例成專家之著述則吾豈敢

中華民國二十一年一月天彭賀維翰謹述於萬源縣修志局

序

大小巴山爲吾蜀兩大山脈第二系之名山自北嶺米倉東南行蜿蜒磅礴於江漢之間者二千餘里插天益高入地益厚始蒙梁而極變巫森然爲天下雄其間列縣十餘而萬源爲最形勝故萬源跨巴山之麓北枕漢江南帶渠河高屋建瓴險塞四固當其無事則杭稻之美芋麥之利煤鐵之富蠶桑茶耳梗楠杞梓竹箭之材龍蛇之神巫醫夏畦之鬼虎豹熊羆翡翠羣翟之文章隨所恣而自足及其有事也一夫荷戟而川鄂秦豫之門戶無敢闕故額經略以之捍災勒制軍因而定亂所謂蔚然一山國而天然一隄區者蓋吾川東北隅之屏藩也至其靈氣所鍾發而爲魁傑之才編氓之秀者則忠貞如張武壯英勇如馬軍門循良如楊芳張晴嵐孝友如李璞張懋玖義行耆德如

周德庸龐之舉文學如賴春山張明徵高亮如張雲衢劉玉書
節烈如陳遵還袁長寬王作梅項烈女其他貞女節婦賢母淑
媛孝子順孫與夫一藝之材一行之士仙人釋子方技恢譎之
觀蓋難更僕數矣然而自前明設縣以來迄今垂五百載而其
人若皆湮沒而無聞於世也者何哉無志焉以紀之也無志焉
以紀之則前乎此者無可徵後乎此者無所法將何以傳之父
老詔之子弟正人心厚風俗勸教化而塞亂源乎無惑乎教匪
皋牢姦同亭毒禍根伏共產滋星火燎原以糜爛乎地方也余
來綏籌邊之暇謀所以救之亦既制行學宮崇道德敦禮讓以
正其源矣僚友廖司令震劉知事子敬復請修志報之曰可期
月志成請鑑定而序之余校之而歎曰茂矣美矣抑何其審也
上自人物下至山川細之方言大之禮教罔不搜羅詳盡且使

終篇而全縣皆羅於指掌印於心目者此遵何道哉則賴有專門家實地測繪最精覈之各圖也往者桐城惜抱軒病天下地志謬誤率與實舛而獨稱泰山地理志最善隱觀今志顧何如哉雖然余有感焉夫愛國必自其鄉土始古者小學之教子弟也數方名辨方物凡以蘄愛其鄉土油然而生愛國之心也曩余東游見彼邦士夫以逮童孺負販於其國之一艸一石視如神聖珍若瓊奇竊竊焉疑之既而察其學校鄉土有專誌方物有專書乃歎其深得吾國小學垂教之古法焉而回顧宗邦乃皆棄其祖法忘根本襲皮毛倘或質以土宜無不數典忘祖顧安怪輕棄其鄉漠視其國忒忒焉無復愛惜其父母之邦乎今萬源有志矣謂宜師仿古制擇其山川人物古蹟名勝與夫文獻之遺而條節之以納諸鄉校修身歷史地理諸科使皆涵濡

櫛礪於忠貞循良孝友義行耆德文學高亮節烈之楷模而培植其根砥焉則張武壯馬軍門楊芳張晴嵐李璞張懋玖周德庸應之舉賴春山張明徵張雲衢劉玉書之高風隆勛可以接踵而比肩而所稱陳遵還袁長寬王作梅項烈女與夫貞女節婦賢母淑媛孝子順孫一藝之材一行之士仙人釋子方技恢譎之觀蓋無難人喩戶曉爭自濯磨而與之齊烈也由是而奮發其魁傑之才鍛鍊其編氓之秀以專門以名家使夫稊稻之美兼岐兩實芋麥之利易種盈庾煤鐵之富冶而厚生蠶桑茶耳櫛楠杞梓竹箭之材各擷其精而毋棄於地也使夫龍蛇之神皆效其靈巫醫夏畦之鬼皆革其弊虎豹熊羆翡翠鸞翟之文章皆呈其瑞而有畀於人也若是乎萬源之富利日臻文明日啟人心正風俗厚教化立而亂機乃銷泯於無形以無負此

天然之隙區而完成其爲蔚然之山國也豈非是北枕漢江南
帶渠河高屋建瓴跨巴山之形勝以顧盼自豪云爾哉余深願
萬源士大夫一德同心而共勉之也

中華民國二十一年歲在壬申仲夏月勳一位陸軍上將崇威
將軍川陝邊防督辦兼四川陸軍檢察使劉存厚序

